

TO THE RIGHTS OF PERSONS WITH DISABILITIES OF KOSOVA

Revista koya lelape e hakayencar vash o personya e samatrandune shaipyencar

ON LINE
ano 6 qhibya ani webbrig
www.lpkosova.com

Shukar alen ano amaro sumnal

**DONATORYA KOLA AZUTINDE AKAVA GENDO MANGENA TUMENGE
BAHTALO NEVO BERHS 2010!**



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Cooperation Office Kosovo

SOROS

Fondacioni i Kosovës për Shoqëri të Hapur
Kosovska Fondacija za Otvoreno Društvo
Kosovo Foundation for Open Society



Republika e Kosovës
Ministria e Punës dhe
Mirëqenies Sociale



Intervju e Sami Kurteshea, kosovake Ombudspersonea Mashkar o moderuno yuridikuno rami thay doshale kosovake qaqipestar

- Rayo Kurteshi, sar siton krisea garavde o jene e samatrandune shaipyencar?

Bi dikhle ano qaqipe so mothavna o krisya e Kosovake Republikake si ano yuridikuno sistemi vash o jene e samatrandune shaipyencar, thay e ande keripyencar e themeske instituciendar, akaya kategoria e jenengi siton ano but phare jivdipeske kondicie ji olengi integracia ano malipe sitoy but harni.

E Kosovake Republikake Konstitucia, vay konkretipea o Krisi mamuy e diskriminacia, garantinla sah e dizunenge, astaripea ini e manushen e samatrandune shaipyencar, yekhune thay na dikriminatorno tretmani ani sakoya sfera e jivdipesk. Ini kay e normativna dudyardi rig, siton mothavde o doshalipya e sakodivune jivdipesko sherdena e aproipea e krisea thay e talo kriseske aktyencar ano akava drom, kola siton phangle e kriseske norme ano praktikuno jivdipe.

- Rayo Kurteshi, si mi rovlyaripe kotar e dizunengi rig thay kola naturake siton?

Ano temelya e vakeripyengo e Ombudspersoneska Instituciako, ano doshalipe sito dikhlaro kay o yuridikuno rami e jenengo e samatrandune shaipyengo, sito bi manglaro, naadekvatuni thay diskriminatoruni. Akava sito astarno ano sah sfere e jivdipeske.

Ini kay sito garantimo o hako ano tromalo phiripe e samatrandune jenengo, na praktikyngola ni hari. Ini kay dendilo harno angazipe ani sheruni diz e Kosovaki, vash o laqharipe e dromeske thay yaveruna infrastrukturako, konkretipea ano publikune institucie e Kosovake, na phergyola niyekh lokaluno standardi, vay o mashkarthemutno.

Ani umal e edukipeski akale persoynengo siton but diskriminime. Bi dikhle nesave specialune publikune skole vash nesave harni kategorie, kote siton sigurime nesave elementarune kondicie, infrastruktura ano skole ani Kosova sitoy hari but astarni... Doshalipea aqhile vay si te aqhon but analfabetya.

Ini kay akala jene kola siton e samatrandune shaipyencar mekhle kotar o saslaripeske pokipya, on siton prinudime korkore peske te arakhen o drabya, ini kay saren on siton e specialune mangipyencar. Buder olendar na siton pe buti, a buder olendar , ni,

silten hako ni ano penzie vash o manuisha e specialune mangipyencar.

E butikeripeski sfera vash o jene e specialune mangipyencar aqhola bi perspektivako. Ini pe nakhipe o Kosovako Raipen na lela nisave mangalrde resipya e specializirime servisyencar vash o profesionaluno gatisaripe akale jenengo.

Pashe e diskriminaciake kotar e publikune institucienga rigako ano deipe e informaciengo, ano nanipe e translatoryengo vash o nayenga qhibyako, odola manusha siton diskriminime ini ano publikune medie, vash o na deipe e manglarda infrastrukturako vash o dizune akala kategoriako.

Yekhune sito ini doshalo fakti kay o familie kola silen qhavore e invalidetea na lena materialuno pokipe e institucienga rigatar, ini kay o Kosovako Parlamenti miratingya o krisi vash o materialuno azutipe. Na implementipe akale krisesko mothavla kay si bangipya thay na implementipe mashkar o moderuno yuridikuno rami thay e doshali qaqipeski situacia ani Kosova, ini ano dikhipe e nanipesko e bujetesko.

- Rayo Kurteshi, sar te laqharyol o akavutnoi situacia?

Akava sito e Kosovake Republikake themeske Instituciengo obligipe, konkretipea e Kosovake Raipesko, te len seriozitetia o angazipe vash te implementgyon o miratime krisya. Akaya sitoy e instituciengi obligacia pederal e Kosovake dizunengo. Ani yaver rig, e Institucia e Ombudspersoneski, ano rami para bukyako thay ano rami e konstituciako thay e krisyengo, ni ano avutnipe na si te aqhel te rodel te implementgyon thay te respektingyon akala krisya ano sakodivuno jivdipe.



“SAH ASTARIPE “

Ano hramipe e DMA-ko

MINI OLIMPIADA

NEVO KRISI

NACIONALUNO AKCIAKO PLANI VASH O PERSONYA E LIMITIME SHAIPLYENCAR ANI KOSOVAKI REPUBLIKA 2009 – 2011



Prishtina 23 maji 2009.

Raibe e Kosovaka Republikako miratingya o Nacionaluno Akciako plani vash o manusha e limitime shaipyencar 2009 – 2011 bersh kolesko procesi e keripesko phiravgya e Sheruneministresko Ofisi / Ofisi vash shukarno raibe, manushikane hakaya thay yekhune shaipya, ano ledeipe e musayutne instituciencar e phiravipeske ano centraluno thay lokaluno niveli, mashkarthemutne ekspertenca thay ververutne biraipkane organizaciencar kola reprezentinena e personyen e limitime shaipyencar.

E reseya vash o may shukarno informipe e publikako organizisali konferencia vash promovipe akale planesko, angluno dokumenti kova ani klari qhand mothavela so musay te keren o institucie thay o malipe vash o laqharipe e jivdipeske kvalitetesko e savore personyengo e limitime shaipyencar ani Kosovaki Republika.

Foto ekspozita "Amen siem akate! Yekhune shaipya vash o savore "


Akale dromeya ko yekhuno dive phravdili vi e ekspozita e fotografiengi kote promovisale o butya thay suksesya e ververutne organizaciengo kola kerena buti e personyencar e limitime shaipyencar e reseya vash te reprezentingyol akaya kategoria e dizunengi ano keripesko than thay keripe e may shukarna fotografiako vash olenge. Ekspozita adikerdili ano Nacionaluno teatro ani Prishtina.

Akaya manifestacia doniringya e Italian Cooperation – Italiaki avrutne butyengi Ministria.



Butyaki analiza

02. decembrea 2009 bersh ani Prishtina adikerdilo butyako kedipe e reseya vash e analiza e sherune resipyenge ano phiravipe e Nacionalune planesko vash o personya e limitime shaipyencar thay te mothavgyon kola siton o sure kay pandar aqhile thay ano yekhuno vahti te gndingyol ani koya qhand te kergyol e koordinacia e programengi thay proyektengi vash o butyako Plani e 2010. bershesko.



IN MEMORIAM

Halit Ferizi mulo 05 mayea 2009 bersheste



Lideri e BRO Hendikos-esko, r- Halit Ferizi, mulo palo yekh harno nasvalipe ano poro 60- to jivdipesko bersh. Halit Ferizi sine penjardo lideri, humanisti thay baro marevutno vash o hakya e samatrandune shaipyencar, dengya baro angazipe vash o laqharipe e poziciako akala kategoriake dizunengo ano Kosovako malipe. Oleski buti thay ov vakerna kay o jene e samatrandune shaipyencar shay ovan produktivune thay mangle e malipeske yekhune e yaverenca .

O nashalipe e r- Halit Ferizi but qalavgya sarenen amen, odoleske kay nashalgyem e amale, butikerutne thay kolege kova sarsakan sine gatisarno te angazingyol vash yekh so may shukarno jivdipe e sah dizunengo e Kosovaka republikak.

Kamle drabarutne,

Mangava tumenge bahtalo nevo bersh thay bahtakerava e donatoryen vash o asistipe vash akava nevo bershesko iklipe amara magazinako. Palo yekh lungo vahti palem siyem yekghune thay shay drabarena amari magazina ano 6 qhibya ani amari adresa e webqhamyako

www.lpkosova.com.

Akala dromea mangava te mothava tumenge yekh purani paramisi:

O phiravutno e paynesko sinele

duy phuvyake angya vash o pani kola phiravgyona sine ano yekh kasht kova phiravla sine pe dumeste. Yekh akale angyendar sine phage, numay e duyto sine sasti. E phage angostar suslaryola sine o drom ji khere.

O sasto angyo sine but loshalo odoleske kay o manush anla sine o pani sahiplea khere vay e phage angyoa, numay o phango angyo sine but lajavutno vash akaleske.

Yekh dive o phago angyo vakerla pere gazdoske: "Lajava

odoleske kay nay te kerav miri buti sar manglape".

O gazda vakerla e angoske: "Dikhea mi kay o luludya bayrona numay ani tiri rig, numay na ini e saste angoska rigatar? Odova sito odoleske kay sim sivimo numay ani tiri rig o luludya ano drom. Sakova dive tu siyan suslardi o luludya ano fdrom tara rigatar. Ake duy bersha odola luludya kerna man loshale. Kana tu na ovea sine akavutno savo siyan, na ovavay loshalo divesta pe dive."

Mesazhi:

Sakova amendar sile yekh bangipe. Sakova amendar sito phago angyo, numay odola amare fizikune bangipya keran amaro jivdipe interesantuno thay may barvalo. Amenge manglape phikoipe ani familia ano malipe kay o luludya ano amari rig e dromeski te bayron may shukar.

Te akceptingyova akavutne save siyem thay te angazingyova loshalipea te arakha amare pozitivune sheya amare familiake jenenge, malengo thay butikrutnengo.

Si te dikhen kay sakova sile diso barvalo andar peste!

Respektea tumari,

Hiljmnijeta Apuk,

ASISTECIA E QHAVORENGE E SAVAHTUNE SAMATRANDECA

Ano dikhipe e Kriesesko vash o materialune asistencie e familienge e qhavorenca e savahtune samatrاندune shaipyencar, (03/L-022, od 16.05.2008 bersh.) dengyola masekuno pokipe ano kobaripe e 100 euro e qhavorenge e savahtune aqhaviyencar ano bayripe ji pe olengo 18 bersh e jivdipesko, numay palo akava silen hako pe invaliduni penzia.

Informacie vash o manglarde dokumentya vash o leipe akale asistenciengo dikhipea ano upre dendo Kriši shay lelona ano Ofisya e Ministriake vash e buti thay socialune puqipyani ani sah e Kosova.

NEVO KRISI SAKOVA PANJVAREDSHTO BUTIKERUTNO E SAMATRANDECA SHAIPYENCAR

Sito miratimo o krisi vash o profesionaluno asistipe, anglokualifikipe thay khuvipe pe buti e jenengo e samatrاندune shaipyencar (03/L-019, od 18.12.2008) kolea o menajerya siton obligime te registrine yekhe jene e samatrاندune shaipyencar ano 50 buti kerutne, numay sito mahatno te miratingyol Administrativuno Deipe thay yaverune aktya kola qhivna akava Kriši ani praksa.

Kosovako Raipe thay yaver institucie maglape te ovelolen prioriteti e vastipesko akale Kriesesk, odoleske kay aqhavna o qorolipe e jenengo e samatrاندune shaipyencar kote direktipea dikhlaryola ano Kosovako ekonomikuno evolviripe.

MAY BARO PROCENTI E MOLIVESKO ANI MEDICINAKI HISTORIA

Ano paluno dershbersh pashe 200 familie e qhavorencar kola siton nashle manusha Roma, Ashkalie thay Egipqanya (RAE) kotar e Kosova jivdinena ano trin nasavahtune kampya Osterode, Qesmin Lug thay Kablar



ano upruno koto e Mitrovicako, kola arakhlona ano pashipe e deponiake kote mukhlile shelencar tonya moliveske otpadesko thay aver phare metalya rizikune vash o sastipe e qhavorenge thay barengo. Jivdipe e qhavorenge thay e barengo ano moliveske kampya dena rezultati vash o may baro procenti e molivesko ano rat ani medicinaki historia so siton buderi se o maksimumi so shay te musyaren o intrumentya e Lumiaka Sastipeska Organizaciako (World Health Organization – WHO) thay ayekha baro procenti e molivesko ano rat vazdela o bare aqhaviyana ano olengo e thay sito sebepi olenge meripesko.



Elizabeta Bajrami sastip

"Ano kampya o qhavore biangyona e bare procenteya e molivesko thay e aver phare metalyengo ano rat so anela olengo savahtuno fizikuno thay psihikuno hasaripe, vash akaleske amare qhavorenge manglape siguno medicinako azhutipe thay siguni medicinaki evakuacia kotar o moliveske phande kampya. Baro procenti e molivesko ano rat sito o sebepi olenge meripesko", vakerla e Elizabeta Bayrami, lideri e BRO Romane juvla vash o Romane juvla (Roma Women for Roma Women).

HRAPIPE E MASHKARTHEMUTNE DIVEŠKO VASH O PERSONYA E LIMITIME SHAIPIYENCAR

Prishtina: 03. decembri 2009.

Ofisi e Sheruneministresko e Kosovaka Republikako – Ofisi vash shukarno raipe organizingya e konferencia vash o hramipe e 3 decembresko – Mashkarthemutno dive e personyengo e limitime shaipyencar.

Res e Konferenciako sine o promovipe e butyako kay kergya o Raipe e Kosovaka Republikako ano segmenti e limitime shaipyengo, leipe kan e aspektyengo e

limitime shaipyencar sar ini vazdipe ano angazhipe ano phikoipe e keripesko e respektipesko, hakosko thay shukaripe vash o personya e limitime shaipyencar ani Kosovaki Republika.

Ani Konferencia vakerde e prezentune jenenge o Michael L.Giffoni - Italiako ambasadori ani Kosovaki Republika, Habit Hayredini – Direktori e Ofisesko vash shukarno raipe, Antonio Organini – Italian Cooperation, Buyar Kadriu – reprezenti e Kolaiciako e personyengo e limitime shaipyencar thay o Afrim Maliqi kotar e BRO Hendikos promovingya e pustik “Te jane sar” – Samatredimo shaibe sar puqipe e manushikane hakayengo.

Ekspozita e autentikuna kulturako vash o personya e limitime shaipyencar

Ano kotor akala Konfeneciako BRO Little People of Kosovo organizingya e ekspozita e artistikune butikeripyengo e autentikuna kulturako e personyengo e limitime shaipyencar.

“Amen na manga te garava amaro ververutni. Mamuy, amen manga te mothava thay te jamaina amare simbolya, signalya thay autentikuni kultura e personyengo e limitime shaipyencar thay ayekha te ova lokhe penjarde” – vakergya e autora Apuk.



MASHKARTHEMUTNO DIVE E MANUSHIKANE HAKAYENGO

Prishtina: 10. decembri 2009.

Ofisie e Sheruneministresko e Kosovaka Rrepublikako, Ofisi vash shukarno raipe organizingya kedipe vash o 10. Decembri – Mashkarthemutno dive e manushikane hakayengo, feri so ano akava dive ulo yekh bersh kana o Raipe e Kosovaka Republikako miratingya e Strategia thay o Akciako plani vash o manushikane hakaya ani Kosovaki Republika (2009-2011).



Ano akava kedipe e rayna Sadeta Demay kotar o Ofisi vash shukarno raipe mothavgya o angluno raporti vash o phiravipe e Strategiako thay e Akciake planesko vash o manushikane hakaya kote mashkar aver astardili e situacia e personyengi e limitime shaipyencar.

Qhavore hraminde o dive e manushikane hakayengo

BRO Hendikep Kosova organizingya o tradicionaluno teatraluno kotor kote lele kotor o qhavore e limitime shaipyencar thay ayekha festinde o qhavore o dive e manushikane hakayengo. Teatraluno kotor phravgya o raye Habit Hayredini, Direktori e Ofiesesko vash shukarno raipe pashe e Sheruneministreske Ofisesko.



DR. SHYQYRI HAJA, BERSHESKO MANUSH

Prishtina: 03. decembri 2009.

Ekzekutivuno Direktori e Kosovaka Post Telekomunikaciako - PTK, Dr. Shuquri Haja lela e poqin vash o may humanyuno personi e bershesko.

O alav sito vash e poqin „Haji Uqarinela“, dendi kotar e rig e Koaliciako e Kashukenge Malipesko thay e personyengo e kishle dikhipeya ani Kosova.

Ano deipe e poqinyako Buyar Kadriu, Presidenti e Malipesko e korole thay kishle dikhutnengo e Kosovako vakergya kay e Kosovaki Post Telekomunikacia ano sherunipe e Dr.Haja kergya buderi desari e avere instituciendar ani qhand vash o deipe e janipesko, butyaripe thay promovipe e solidaritetesko vash o personya e limitime shaipyencar ani Kosovaki Republika.

„Dr. Haja phravgya o vudar amenge, butyarindo yekh gendo e personyengo e limitime shaipyencar thay ayekha lozhakargya amare familien e phara socialuna thay fizikuna situacia“, vakergya o Buyar Kadriu.

Ekzekutivuno Direktori e PTK-ko Dr.

Shuquri Haja vakergya kay, kotar o buderi poqinya kay lela ji akana, akaya poqin vash oleske si umlavdi privilegia thay sila poro molipe thay khargya e aver kompanie thay institucien te iklon ano azhutipe akala dizunenga kategoriake ani Kosovaki Republika.



MINI OLIMPIADA

Duy divuno tradicionaluno sportesko ovipe vash o personya e limitime shaipyencar adikerdilo ko 26 – 27 septembri 2009 ani Policiaki skola ani Vuqitrna ani organizacia kotar o BRO “OPFAKOS” koya kedela e qhavoreng dadalaryen e limitime shaipyencar.

Ano akava sportyuno ovipe lele kotor 573 personya, qhavoreng dadalarya e limitime shaipyencar. Khelde o 163 khelutne ano ofto ververutne discipline: vastomet, basketboli, pikado, khuipe, ringball vash o korole, prastape kolicencar, shah thay nasamatredime khelipya vash o qhavore. E vijayutnenge dendile poqinya thay peharya vash o ekipako thay individualunop khelipe.

Donatorya akala sportyune ovipesko siton e Policiaki skola ani Vuqitrna thay Ministria e kulturaki, ternengi thay sporteski.

“Mini olimpiada siton bare vansipeya, feri so dela shaibe e

qhavoreng e limitime shaipyencar vash o yekhuo akcesi ano khelipe, rekreativune thay sportyune aktivitetiya”, vakergya o Aziz Nishori kotar e BRO OPFAKOS.



“SAH ASTARIPE “

E Ministria vash o jivdipesko thanipe thay o thanipeske planiripesko dengya Administrativuno janipe vash e obyektynge kondicie vash sah astaripe e jenengo e samatrandune shaipyencar.

E resipea vash o penjaripe e lokalune institucie, e biraipkane organizacien thay e medien e Administrativune janipea e BRO Hendikep Kosova ani ledeipe e Ministria vash o jivdipesko thanipe thay o thanipeske planiripesko kote adikerde beshipe ano ohto diza e sah Kosovake.



MARIPE MAMUY O KANCERI ANI QUQI

E Ambasada e YAR, USAID, Ministria e Saslaripeski, Nacionaluno Instituti vash o Saslaripe vash o garavipe e saslaripesko, e Ministria vash e telekomunikacia, Telesaslaripe, JETA/VITA siton kreatorya e BBCI. Akava sherdipe sile pe resipe o vazdipe e godinipesko, o anglo vahtesko arakhipe sar kay deipe pe godi e themeske institucieng vash o kreiripe e lementarune kondiciengo vash o saslaripe akala mudaripeske nasvalipesko. BBCI sile pe resipe te kero yekhune sah e juvlen ano akava rami ini odola e samatrandune shaipyencar ano maripe mamuy o kanceri.


Ani balkaneski iniciativa mamuy o kanceri ani quqi aktivipea siton astarne sah o juvla e samatrandune shaipyencar kola but ver na silen shaibe te oven astarne ano saslaripeske preventiva thay o aqhavipe e rizikosko e quqyake kanceresko.

BRO JETA / VITA thay olako timi e Diana Toska siton aktivune ano Balkaneske Iniciative mamuy o kanceri ani quqi koya dendi nesave akcie, numay ulava e grupa koya phirgya e Prishtinake centroat thay ano nesave diza e Kosovake, duy konferencie thay nesave deipeske godi beshipya kote lele kotor nesave ekspertya thay penjarde jene kotar YAR kola triumfinde e kancere ani quqi.



RADIO EMISIA “GOJAVERIPESKO AVAZO”

BRO Hendikep Kosova organizinla e emisia “Gojaveripesko Avazo” ano resipe e senzibilizipesko e publikune jenengo e jenenca e samatrandune shaipyencar e yaverune temenca e astaripea ano malipe. E emisia shay shunena sakova parashtuy dive e 17:00 – 17:30. Blue Sky radio ani frekvencia 97.7 fm



“MANUSHA SHAY TE OVEN YAVERUNE, NUMAY MUSAY TE OVELOLEN PASHUTNE SHAIPIYA ” Ano hramipe e DMA-ko, Dive e yekhune profesionalune shaipyengo e personyenge e limitime shaipyencar

Prishtina: 21. oktobri 2009.

Raibe organizingya e Konferencia vash o hramipe e Mashkarthemutne divesko yekhune profesionalune shaipyengo vash o personya e limitime shaipyencar jando ani lumia e naveya Disability Mentoring Day - DMD. Ideya iklisti ano SATH thay akava dive kotar o 1999 bersh hramingyola ano ververutne lumiake thema thay sile vash o res kay o manusha e limitime shaipyencar, studentya vay rodllarne e butyako promotivipeya te butyaren ano yekh vay may buderi dive ani nesavi profesia koya sitoy vash olenge interesya vash o jamaipe olenge interesuipesko vash e avutni buti. Interesi kotar akaya iniciativa siton duyveruni feri so o studentya thay butyake rodllarne silen shaibe kay direkt thay praktika te siklon thay te keren buti ano realuno butyako than, te jamainen butvahtune godideipeske ledeipya thay te laqharen o profesionalune janipya. Ki aver rig, butyako deutno sile shaibe te avel ji ko akcesi ano nevo resursi e butyake rodllarnengo, te arakhel e butikernen ano harne vay lunge vahteske thavdya thay kay may shukar te lel kan o profesionalune shaipya e personyengo e limitime shaipyencar.

Akala siton o sebebpya vash kolenge o Sheruneministresko Ofisi/ Kancelaria vash o shukarno raibe lela decisia te pashol e buderi lumiake themyenge ano hramipe akale divesko deindoy shaibe kay ano nesave ministrie te angazhingyol, yekh vay duy dive, ano ververutne butya o studentya thay btuyake rodllarne e limitime shaipyencar.

Hramipe akale divesko ani financialuni qhand azhutingya o OSCE – Misia ani Kosova



Kosovo Mental Disability
Rights Initiative



MAY BARO KOTORLEIPE E PERSONYENGO E MENTALUNE LIMITIME SHAIPIYENCAR ANO KOSOVAKO MALIPE

BRO Kosovaki iniciativa vash o manushikane hakaya e mentalune limitime shaipyencar (Kosovo Mental Disability Rights Initiatives, K- MDRI, <http://www.mdri.org/kmdri.html>) lelape e laqharipeya e situaciako e personyengo kola silen mentalune limitime shaipya thay olengo may baro kotorleipe ano Kosovako malipe. Olengi buti donirinena e Evropaki Unia thay USAID.

Ko oktobri 2009 bersh K-MDRI azhutingya vash o butyaripe e 45 personyengo e mentalune limitime shaipyencar kolendar siton 18 kotar e Prishtina, 6 kotar o Elezesko Hani, 5 kotar o Kaqaniko, 8 kotar e Kamenica; 5 kotar o Pekya thay 3 kotar o specialuno instituti ani Shtimla, on sinelen shaibe kay te siklon pi buti ano duy avutne maseka thay on lele pokipe prekalo UNDP proyeki vash azhutipe e manushenge e menatalune limitime shaipyencar so sito komponenti e Programesko vash o aktivuno butyaki trego.



Akcia sine ano res te mothavgyol kay o personya e mentalune limitime shaipyencar shay te jivdinen korkore, te keren buti thay te oven aktivuno kotor e malipesko.



MASHKARTHEMUTNO DIVE VASH O KASHUKE

Prishtina: 29. septembri 2009.

Ano hramipe e Mashkarthemutne divesko vash o kashuke manusha adikerili konferencia ani Beshlin e Raipeski.



Ofisi vash shukarno raibe, ano ledipe e Kosovake kashukenge Malipesko organizingya aktiviteti e reseya vash o hramipe akale kurkesko, vash o informipe e publikako e reseya vash o vazdipe e publikune janipesko thay edukipe e sherune akteryengo ano anipe e deciziengo vash akaya kategoria, laqharipe e statusesko e nacionaluna qhibyako e signalyencar, laqharipe e edukipesko e kashuke manushengo, laqharipe e akcesesko ano publikune informacie thay sevaluipya.

“ KURKO E PARNE KASHTESKO ” 15 -22 oktobri 2009 bersh

MILENIUMESKE RESYA

Prishtina: 20.oktobri 2009.

Kosovaka Republikako Sombeshipe, ano ledipe e UNDP/UNKT, organizingya e duydivuni konferencia e tema "Socialuni inkluzia: Phiravipe ano qaquano drom ano mileniumeske resya – MCR ani Kosova "e reseya vash e diskusia ano progresi e promovipesko may bara socialuna inkluziake ani Kosova.

Ani diskusia BRO Little People of Kosova rodingya may bari sama vash o manusha e limtime shaipyencar thay o may baro astaripe olenge mangipyengo ano Mileniumeske resya e jamaipesko ani Kosova, feri so akaya grupa e dizunengi ani Kosova mothavela o may qorolo kotor e malipesko thay kolenge manglape may baro phikoipe ano olengo edukipe, sastipesko garavipe, aqhavipe e meripesko, butyaripe thay socialuno azhutipe.



Konsili e korolenge thay kishle dikhutnenge malipesko ani Kosova ano Mashkarthemutno kurko e parne kashtesko organizinde o defile ano centro e Prishtinako thay adikerde e akademia ani beshlin e Prishtinaka Komunako kote lele kotor o reprezentya kotar e Sheruneministresko Ofisi, Ministrie thay jene kotar o Komunako Malipe e korolengo kotar e sasunti Kosova.



PRIZRENOSKI KOMUNA

Oktobri DMD-a, Masek e profesionalune shaipyengo

E prizrenoski Komuna thay olako talo presidenti r. Cemajli Kurtishi thay Drita Vukshinaj kotar BRO Hendikos ano Prizreno ano ledeipe e OSCE thay e BRO kola siton astarne ano Komunako komiteti vash o jene e samtrandune shaipyencar suksesea organizinde nesave aktiviteti ani tradicionaluni kampanya "Oktobri DMD-a, Masek e profesionalune shaipyencar e jenenge e samatrandune shaipyencar" kote ulavgyona e Konferencia vash o medie kote sine puterdi e kampanya, khuvipe pe buti e jenego e samatrandune shaipyencar ano yekh dive vay ano nesave dive ano publikuno sektori ano sah masek oktobri, o khelipe mashkar o vastune e kolicyenge, foto ekspozita, seminari kote sine prezentimo o Nacionaluno Plani vash o jene e samatrandune shaipyencar, e akcia vashe Komunikacijaki Policia vash o sinjalizepe e parkigensko e samatrandune shaipyencar, turniri ani kosharka e jenengi kola silen kolice, Miradije Beriša jeni e Hendikoseski ano Prizreno khugya pi buti sahipea ...

Ano agor e kampanyako organizisalo yekh bukyuno beshipe e resipea vash te angyon o rekomandacie kola siton phangle e laqharipea e kondiciengo e poziciako e jenengo e samtrandune shaipynecarani Prizrenoski Komuna, sar so siton o harno bukyako vakti, may baro astaripe ano khuvipe pe buti, kreiripe e infrahstrukturako vash o vastune e kolicyeng, yekh translatori vash o kashuke thay lalore jene ano Centrya e Familiaruna Mediciano ano prizre, mekhipe e Komunalune tatimyengo vash o jene e privatune firmengo te sien kay siton jene e samatrandune shaipyencar.



Cemajli Kurtishi,



BRO Hendifer Ferizay

AKTIVITETYA
Laqharipe thay o kreiripe



O kreiripesko programi e bukyuna centrosko Ortopedia – Hendifer, Ferizay sito yekhuno ani Kosova thay odoleske sito yekhutno odoleske kay kreirinla thay laqharla o kolice, o mobilune rampe thay o yevrone ortopedikune azutipeske sheya e specifikune manglinenenge thay o mangipe e jenengo e phiripeske pharipynvca vay e jenengo kola phirna e koalicia.

"Vastina o shaipe te dav pe janipe kay o purane kolice tena qhudingyon ano jubre, vay te angyon amende te laqhargyon" – dela pe janipe e Fazilja Bungu, menajeri e bukyune centrosko "Ortopedia- Hendifer" ano Ferizay.

Sitoy manglardi e siguni asistancia e Ministriako vash o Saslaripe akale bukyune centroske, odoleske deipe e e ortopedikune sheyengo thay e kolicyengo vash o jene e samatrandune shaipyencar siton obligacia akala ministriako.

Manushikane hakya

BRO Hendifer ano Ferizay aktivune dena phiko ano informativune kampanye ano resipe te sensibilizinen e publikune thay civilyune malipesko ano puqipe e hakosko e jenengo e samatrandune shaipyencarano multietnikune Volonterune Promotivne Programeske DMD (Disability Mentoring Days).

Maripe kontra e izolacia

BRO "Hendifer" ano Ferizaydela asistecia e volonteruni baza vash o jene e samatrandune shaipyencar, konkretipea vash o korkorutne bi phiravne manusha ano ledeipe e siklovnenca e Mashkaruna medicinake skolake thay e Familiarune Medicinake centroa ano Ferizay.

E 2009 bersheste BRO Hendifer organizingya duy rekreativune iklipeya ani natura vash 150 jene e samatrandune shaipyencar kola sinelen shaipe te phiraven poro dive ano sporteske aktiviteti.

Neve bersheske festipya

BRO Hendifer vash o neve bersheske feste dengya deipya 200 qhavoreng e samatrandune shaipyenca thay akale dromea o qhavore adikerde yekh solemiyuno artistikuno programi.



SPECIALUNE SEVALUIPYA Mashkarthemutno Aeroporti Prishtina

Prishtina: 03 oktobri 2009.

Adikerdili e ceremonia e mekhipesko ani buti e specialune autobusesko e lifteya kova sito vash o dromutne kola vastinena o kolice ano phiripe, qhavore thay bare personya e phare phiripeya thay o personya kola silen mol vash umlavdi sama kotar o momenti e kartake verifikipesko ji ko olengo khupe ano ayroplani. Mashkarthemutno Prishtinako Aeroporti angazhipeya e specialune autobusesko e lifteya dengya shaipe vash o yekhuno akcesi e savore dromutnengo ano ayroplanesko dromipe bizi diskriminacia thay ani akaya umal kerdile o shaipya vash olengo tromalo phiripe.



BRO Down Syndrome Kosova – DSK



BRO DSK kreirisali ko 04. marti 2007 bersh, kola kerde o dadalarya e qhavorengo thay e personyengo kola silen o down syndromi. Akaya organizacia sitoy but aktivuni thay kerela buti vash o akcesi ano malipe e qhavorengo khuvde kotar o down syndromi.


May buderi vash olenge thay olenge aktiviteti shay te dikhen ani olengi web rig www.downsyndromekosova.org

Shay te kontaktinen ano tel / fax: 038 545715; 044 112170; 044 185685;
e-mail: info@downsyndromekosova.org , Adresa: Dr. Kroj i Barl Gn, 72, Dardania, 10000 Prishtina



**TALENTYA E LIMITIME
SHAIPYENCAR**
www.webbytalents.com

Informina e talentyune personyen e limitime shaipyencar te mothaven peste prekali nevi web rig www.webbytalents.com kote shay te iklon pere mothavipyencar. Akaya web rig sitoy shukarni platforma kote o talentyune personya e limitime shaipyencar shay te mothaven pere janipya, te jamainen e autentikuni kultura e personyengi e limitime shaipyencar thay kerena yekh may shukarni lumia vash o savore.



Autor: Hiljinnijeta Apuk,



2010



January 2010

Su	Mo	Tu	We	Th	Fr	Sa
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

February 2010

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28						

March 2010

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

April 2010

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

May 2010

Su	Mo	Tu	We	Th	Fr	Sa
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

June 2010

Su	Mo	Tu	We	Th	Fr	Sa
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

July 2010

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

August 2010

Su	Mo	Tu	We	Th	Fr	Sa
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

September 2010

Su	Mo	Tu	We	Th	Fr	Sa
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

October 2010

Su	Mo	Tu	We	Th	Fr	Sa
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						


November 2010

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

December 2010

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Donatori:



www.lpkosova.com